

翁

山

詩

外

番禺 屈大均 撰

茗南 凌鳳翔 訂

五言律一

讀先祖滄洲處士詩集

處士諱漢善詩著有草蟲鳴砌集事一百有餘  
歲之父母以至孝聞

八十嬰兒慕如翁世所希蘇耽今化鶴萊子尚留  
衣仁孝傳桑梓文章映少微無能歌祖德手澤淚  
空揮

清明展先府君墓

蕨薇留寸草桑梓別經年積雨崩丘壟名山失簡

編大招空有賦薄祭竟無田灑盡臯魚淚蒼茫對  
昊天

昨夢猶嘗藥淒涼夜月中江山精爽在伏臘几筵  
空攀栢徒悲泣吹簫尚困窮未能廬墓左王事正  
西東

報國無三畧違親有五年空將禾黍淚滴向蓼莪  
篇海濶迷龍馭山長斷馬鞭茫茫稔孝日難別此  
黃泉

雨露悲寒食丘中宿草萋蘋繁無婦采烏鳥向人  
啼勉繼春秋志高求海嶽棲右軍能誓墓此地嚴  
山齊

北遊初歸奉家慈還居沙亭作

蘇耽成道返阿母，大歡娛何意天邊月。還爲掌上珠，白華長抱蒂。朱鳳更將雛，日夕流霞獻慈顏。似鮑姑

久客邊州襄初歸漲海濱，三遷憂老母。九歎愧先臣，深愛存顏色。微忠託隱淪，簾前雙燕好。挾子戲青春

涕泣辭京國，間關出戰塵。髮膚歸父母，薪膽獻君臣。逃墨因多難，成仙未是仁。蠻江葭菼外，此日復垂綸

五嶽遊難遍，歸來復閉關。祇因戀慈母，不忍住深

山艸長多麋鹿江清有白鷗物情皆慕侶吾亦倦知還

白盡高堂髮秋霜滿海天早營烏鳥養莫戀沃洲  
禪井邑烽煙裏山河戰伐邊絕裾誰忍再空有壯  
心懸

家園示弟妹

先人好種藥遺我神農書與子理營業參苓帶雨  
鋤道從多病入力是耦耕餘莫嘆生涯拙韓康此  
隱居

兩妹年俱長家貧織素絲月分朱火冷風引玉琴  
遲煙霧懷秦女蘭蓀佩楚辭隱居應有服龜勉霸

陵期

奉母入瀧州避難寓從弟之姻林氏館有賦  
白鵠從其母東飛瓊樹柯蘇仙頻避彈炎女未填  
河反哺求梁稻孤生念鳶蘿昏姻維爾故留託秦  
山阿

銜草鹿鳴麇呦呦春澗西介推惟負母弘景未歸  
妻遯世心無悔遊仙路不迷瀧州山水好兄弟且  
相攜

登浴日亭

亭在南海  
神祠之右

月明南澗濶中夜氣鴻濛萬馬奔腸谷雙螭御祝  
融日輪飛上下澗市動虛空誰與同髭髮滄涼若

木東

海上

海上青山好東西聳二樵三秋觀海日半夜逐江  
潮宮闕金銀在仙人素手招何當共徐市一去十  
洲遙

鶴舒臺

英雄多羽化高尚更安期豈乏留侯舌羞爲霸者  
師登臺駕玄鶴涉海握神芝父老菖蒲會千秋空  
爾思

從軒轅宅入迷居洞

曉起藥珠峰行行花影重林鳥飛落月山鬼嘯寒

鐘野飯芝泉列秋衣竹翠濃  
昨宵逢道士疑是七

星余

洞有古余七  
林號七星余

宿金沙洞

谷口雨霏霏樵蘇向晚稀  
寒花秋盡發孤鶴夜深  
歸余定聞泉細峰高見月微  
幽懷如有待竟夕倚  
巖屏

黍珠菴晚眺

窠子落紛紛樵歌隔水聞  
秋花迷磴道石竇出風  
雲葛令籠葱笛麻姑蛟蝶裙  
相逢歡未盡日暮鐵  
橋分

自英德至浚洸道中作



一縣盡奇峰參差削玉蓉人煙舍亂石瀑影出寒  
采空翠飛猶濕餘花落尚穠亂同樵女渡洗口暮  
聞鐘

舟上連州

路入漣江遠愁聞是鷓鴣草深迷兩岫雲漲似重  
湖古木撐崖墜驚流挾石趨拂舟蘿帶亂攀折自  
嬉娛

時時川路盡峽轉復天開舟掠飛崖過帆穿落木  
來鳥聲多在水人跡半生苔不寐因明月宵深自  
溯洄

舟小愁炎熱遲迴亂石間眠篙雙女苦坐釣一人

閒水響知灘至林昏羨鳥還時來思用武前路耐  
間關

峰峰相角立奇石滿空中山雨夏多白江霞秋更  
紅魚蝦三峽異婦女一習同數舸沿明月歌傳水  
帝宮

亂流爭一壑風傍水門多石勢隨雲落灘聲雜雨  
過只須秋月好終奈暮猿何不寐同漁父洲邊弄  
芰荷

半壁劃青冥雙流倒翠屏天從江口出雨以峽門  
扁獨夜歌山鬼無人見野螢微風林外過彷彿芷  
蘭馨

不妨灘石亂谿女解篙舟舟似腰肢折篙隨瀑布  
流水聲驚萬壑林氣似三秋風小帆頻落沿洄未  
免愁

過清遠諸灘

沿沂頻無路灘門雨不開誰從千仞壁飛下一舟  
來天逐青峰轉人隨白鳥迴數聲漁父笛忽起望  
夫臺

望五老峰

飛翠如煙雨秋來山色濃夕陽一返照明滅金芙蓉  
獨嘯此亭月將尋何處鐘石門精舍近蚤晚巢  
雲案

紫霄峰

言攜青玉杖，千折上雲霄。  
石鏡通秋月，蘭泉應海潮。  
牕開三楚小，帆落九江遙。  
一片洪荒色，天風吹不消。

開先寺樓作

向夕樓中臥，天風忽起西。  
不知吹瀑水，飄落幾重谿。  
胸小雲爭入，林深雪已迷。  
無人愛幽獨，來共聽猿啼。

秣陵

牛首開天闕，龍岡抱帝宮。  
六朝春草裏，萬井落花中。  
訪舊烏衣少，聽歌玉樹空。  
如何亡國恨，盡在大

江東

望鍾山

一脈茅山至蒼蒼煙霧濃神宮開六代王氣出中  
峰萬古君臣始九天樓殿重臥碑當輦路春草未  
曾封

攝山秋夕作

秋林無靜樹葉落鳥頻驚一夜疑風雨不知山月  
生采門開積翠潭水入空明漸覺天鷄曉披衣念  
遠征

送客

莫上高臺望無窮是楚雲舊遊稀白髮獨往易斜

曛木落諸峰見山空一葉聞  
祗應盤石上閒坐對  
秋分

木末亭拜方正學先生像

宗臣遺像在對越孝陵雲周禮難爲國姬公竟  
負君龍蛇迷曠野日月在孤墳莫問三楊事忠良  
道各分

寄龔柴丈

我有羅浮月長懸四百峰期君來玉澗拂石聽霜  
鐘五色麻姑鳥千年嘯父寮相依當歲晏不復寄  
芙蓉

靈谷探梅

往日園陵畔千株間白雲芳馨靈谷寺灌溉羽林  
軍亂點鍾山翠爭銜麋鹿羣高皇多手澤如雪

日氤氳

見說鍾山麓當年萬樹斜誰將遼海雪來折漢陵  
花冷月含邊笛陰風散暮鴉數枝當輦路不忍吐  
瑤華

幾樹倚朝陽  
猶承日月光  
白頭宮監在  
攀折薦  
□高皇上苑櫻桃盡華林  
苜蓿長春風空有意先到  
獨龍岡

吉祥寺古梅

受命生南國孤根不可移  
寒光含雨雪元氣在茅

茨空寂無人見芳馨祗自貽上林采柏盡珍重歲寒期

一夜東風拂春回半死根瑤華苔霜雪碩果孕乾坤豈有山川秀居然鸞鶴尊惟應招隱士來此日攀援

枝枝經百折終不畏冰霜到地花仍發橫空影自長月中那可得人外始聞香夜夜難爲寐因君拂石牀

山中長自傲不愧此寒饑冰雪歸玄鬢乾坤寄縞衣朝隨晴日放暮作白雲飛一自冥心坐聞香每發機



白雲開半樹香已遍晴春明月曾無夜空山豈有  
人風驚飛瀑斷雪洒落花勻坐久石牀暖氤氳一  
氣新

福興山中古梅

念是先朝物風雷不忍侵桐焦空有尾竹老已空  
心以道酬泉石無言閱古今幾宵明月上爲子動  
瑤琴

一花開混沌靜者最先知雪滿空山夜雲生絕壁  
時幽光溪四照素影鶴相持辛苦傳春信陰風莫  
太吹

紫峰閣梅

絕壑春難早鴻濛養有餘光生無月處香在未花  
初入石僧同定橫溪客自疎年年紫峰閣爲爾一  
脚躡

夜夜空林裏相看凍不歸坐殘千嶂雪添盡五更  
衣結侶如園綺爲餐當蕨薇無人愛幽獨於此共  
忘機

燕京述哀

先帝宵衣久憂勤爲萬方捐軀酬赤子披髮見□  
高皇風雨迷神馭山河盡國殤御袍留血詔哀痛  
幾時忘

誰使黃巾亂乾坤滿戰塵寇讐原赤子將帥半清

人撫字無良策誅求損至仁  
君王頻罪已鐘鼓不遑陳

無端招撫策羣盜藐王師  
一自潼關失頻令紫極

移至尊催戰急司馬督兵遲謂孫公可惜興尸

抽三軍食盡時

求言空下詔誰解聖明憂  
隔歲降章去當關內使  
留恩威俱致亂臣庶不同仇  
草野慚無補終身涕泗流

萬歲山前樹無春到澥棠宮  
雲空漠漠溝水自決  
決天地餘蒿里龍蛇有白楊  
隴西鸚鵡在何處問君王

陰雨煤山樹君臣各一枝內城吹角急前殿擊鐘  
遲玉輦遷無路珠丘築幾時可憐燕父老弓劍至  
今悲

歲歲逢寒食西山哭聖明股肱無稷契涕淚有皇  
英涿鹿何曾戰髯龍不下迎淒涼閭闔外落日動  
邊聲

惡少

長箭短刀鋌幽并惡少年馬頭懸落日鷹眼射高  
天竝飲桃花店齊彈白紵絃胡姬量酒罷調笑索  
金錢

采顏

采顏西部落屯牧黑河濱吹角呼山鹿彎弓向路  
人馬肥燕地草裘拂薊關塵欲共禪王去江南踏  
好春

寶勒

寶勒五花驄嘶天育東久辭關塞雪共舞綺羅  
風金埒沙塵細春槽首宿紅只愁安樂後無力逐  
英雄

沙河

濕餘諸水落南北作沙河夾岍離宮起飛橋御輦  
過鞏華天險在威漠羽林多此日餘煙樹徘徊奈  
夕何

漢帝朝陵日沙河駐翠鑿宸樓春水上玉几白雲  
端重鎮軍都擁長城下口盤自天來疊嶂龍虎萬  
年安

展思宮殿在創自□肅皇年列聖焄蒿色□諸陵  
松柏煙黃花通御氣紫塞振長鞭一路金湯固真  
人自守邊

三宮懸大漠九塞扼居庸羽衛何曾戰丸泥本可  
封諸璫爭揖盜萬國失從龍輦路沙河曲萋萋煙  
草濃

昌平道中

落日昌平道愁從關塞歸九門吹畫角萬戶擣寒

豸山言夕  
衣伏草黃狐嘯銜蘆白鴈飛朝宗橋下水鳴咽出  
金微

可憐□陵寢地千里草離離二水沙河在雙橋御  
道移水泉邊馬識風候野駝知亦有城頭月蒼蒼  
似漢時

天壽山

燕山連紫塞千里抱長安北鎖天關險東襟渤海  
寒龍文猶五色鳳勢必千盤寂寞稜恩殿孤臣掩  
淚看

文皇當正脉□列聖繞中峰地作諸華福山爲五  
嶽宗東西金殿起左右寶城重雲氣如宮闕高高

護六龍

豈意千秋後空餘龍鳳門  
白狐登御榻青犢入文  
園玉砌磨刀壞銀泉浴鐵  
渾雍門無限淚霑洒□  
列朝恩

萬壑窠楸盡□園陵鎖寂寥  
空餘龍虎抱似有鬼神朝  
銀海陰風落珠塵細雨飄  
天南霜露思極望  
草蕭蕭

輦道哀湍激神樓晚日懸  
九龍無髣髴羣鶴尚聯  
翩玉盃淪秋草珠簾落暮煙  
白頭宮監在相對淚  
潸然

北極鉤陳出西山寢殿移香  
爐銷獸火寶帳挂蛛



絲山枕黃花戍泉通太液池守□陵餘幾戶猶是  
羽林兒

夾道雲龍柱橫空日月樓金波鳩鵲動玉氣白虹  
浮命可中華永功爲萬古謀豐碑無一字瞻仰淚  
頻流

十道穿橋水千林拂殿枝飛騰神馬在興廢石人  
知盜火燒香峪妖雲壓玉墀邊牆虛內外無計護  
梁恩

二井東西在諸妃墓未崩□國朝稀殉葬宮女必  
陪□陵雨爲斑淚滴雲似綵衣凝終古聞瑤瑟淒  
淒怨不勝

陵冢紛相望 先皇骨肉留小王  
陪玉匣貴主接 珠丘銜石瑤姬恨  
吹笙子晉愁 白楊風颯颯誰與  
奠清秋

銀錢山

銀錢蒼翠裏 先帝有攢宮  
衰草縈金縷 高天墮寶弓  
遼陽來獵火 秦地起悲風  
心共桑乾水 千秋繞漢宮

不及東西井 峨峨享殿開  
單于封樹去 故老歲時來  
萬古啼烏怨 三秋落木哀  
中涓陪玉匣 誰奠白蘋杯

渴葬春秋恨 干戈禮未成一  
杯 秋草滿萬里 朔雲

平白日沉蒿里青山斷寶城微臣有蘭杜何處薦  
皇英

金山

路入金山口豐碑野火焚苔侵香水院潭起黑龍  
雲岳勢當燕出河流入塞分行人多再拜天下大  
師墳

居庸

險絕太行北居庸第八陁長城橫塞白疊嶂通天  
青未可憑飛將何當棄大寧宣遠中路斷此地豈  
藩屏  
崖石爭盤東羊腸不可攀塔留番字古城設漢軍

閒小作彈琴峽微開納欵關中華無鎖鑰辜負萬  
重山

嶺

八達嶺也

出居庸上窺關若井中水聲千尺落林響

萬山同地許孤城扼天教一騎通悲風吹不盡戰  
血染沙紅

北口連南口雙峰壁立多峽山迷一綫陁水阻重  
河間道叅林在潛軍半夜過繇來天險地容易倒  
前戈

岔道

八達資屏障秋來鼓角雄上都西路由延慶北門  
通馬渴銜水亂狼驚入艸空 宣宗遊獵地不與

四樓同

龍虎臺

漢帝親征日揚威龍虎臺翠華迴朔漠天壽起蓬萊  
太液桑乾接佳城玉帶開萬年宮樹在鸞鶴尚飛來

八達嶺

俯視神京盡居庸若建瓴出關愁草白入塞喜山青  
千帳牛羊繞□諸陵雨雪扃元人南北口此嶺作藩屏

宣府作

往日多遊幸雲州作帝家離宮臨鴈塞御氣繞龍

沙青接明妃艸香傳蕭后花羽林軍散後淒切任

吹笳

遼后多遺跡人憐避暑宮塞花明寶曆邊月滿雕  
弓二水桑乾合三雲大漠通花園經上下歌管慰

飄蓬

上下花園遼后種花處

烏金

烏金營裏市馬乳點茶香漢女燒銀鼠蕃兒跨大  
羊紅顏如糞土白骨作垣牆向晚吹蘆管烏烏斷  
客腸

雲州秋望

白艸黃羊外空聞簫篋哀遙尋蘇武廟不上李陵

臺風助羣鷹擊雲隨萬馬來關前無數柳一夜落  
龍堆

八月大同秋霜花滿客裘身隨宛馬壯手以角弓  
柔水脉駝能識邊聲鴈亦愁紛紛風柳落吹入望  
鄉樓

茶窩口

紫荆離十里此處券門開高壘資人去重河拒馬  
來冰霜秋栗烈砧杵暮淒哀漸近悲歌地風吹易  
水迴

寒食

蕭條寒食節蒿里艸茫茫歲月添黃土英雄聚白

楊報仇尋豫讓驅馬渡清漳辛苦邯鄲子從今老  
戰場

邯鄲道中

嘆息叢臺下英雄日寂寥戰場無白日曠野一秋  
鵬艸沒廉頗宅雲迷豫讓橋悲歌誰與和歸思晚  
蕭蕭

信都

歇馬風門望襄州秋色開太行盤鉅鹿漳水遶邢  
臺間里聊爲俠皇天不愛才當時趙幾霸誰繼武  
安來

邊詞



邊郡今無事風吹殺氣過鼓鞞沉上谷烽火斷交  
河子女穹廬入金珠大馬馱蒙恬城下骨夜夜聽  
笙謔

艸長迷青塚冰消見白臺漢兒吹角去羌女打球  
來牙帳山山卓雕旗處處開諸王分六角會獵向  
龍堆

暮冬寒凜冽出口唾成冰肌肉愁風割胡髯苦雪  
凝邊聲吞鼓角戰火接園陵向夕菴廬宿淒然淚  
滿膺

積冰千萬里北極是寒門八月黃榆盡三春白艸  
繁無衣憑成火不守惜邊垣處處開橫帳笳聲夢

裏喧

黑峪無人跡天寒鳥獸饑水殘狐不渡雨暗雁猶  
飛破屋餘煙火孤城隔翠微迢遙西澗子時見獵  
人歸

鷹隼秋輕疾風霜激羽毛逐禽千里遠卓馬萬山  
高雁膳餐偏飽駝封臥不牢臚胸河畔月寒影戀  
征袍

弓馬疾如飛將軍秋打圍狼頭懸大纛蟒錦製戎  
衣犯雪過疎勒衝風下武威歸來獻王子麇兔盡  
鮮肥

日暮歸千騎驕嘶韎鞞風盧溝衰艸外督亢亂雲

中鞍上齊傾酒營前各祭弓誇稱小郎主射得一  
黃熊

伊昔臨洮戰幾擒吐谷渾將軍頻失道天子不垂  
恩豺虎無聲過城池幾處存空餘青海月長照黑  
山魂

落日在龍城羗兒向柳營彎弓窺漢月吹笛作秦  
聲天似穹廬覆風從班馬生當年霍驃騎一劍此  
橫行

渴飲家駝乳寒披野馬裘書生貪射虎戰士喜椎  
牛風動河水裂煙舍塞日愁但令掃讐恥不必取  
通侯

夜夜眠廬帳朝朝控橐駝邊沙嘗似雪塞水忽成  
河戰士黃羊飯箏人白馬馱威名想藍玉鍊券勒  
功多

吳門逢京兆杜子賦贈

我愛秦風勁無衣不自謀美人居板屋女子解戎  
輶嶽走三峰勢河吞八水流君從關內至意氣正  
橫秋

姑蘇秋月夜歌舞亂如雲我亦吹簫至吳王不可  
聞徘徊金虎跡想像水犀軍泉下三千劍光芒盡  
在君

同杜子入秦初發滌陽作

天曉淞陽望蒼茫大野開風威肅人馬煙色慘墩  
臺慷慨無衣賦艱虞不世才平生一七首爲子入  
秦來

中都

王迹興閭巷天威奮布衣三章開艸昧一戰掃金  
微城關中都在人民奕世非誰令原廟樹零落向  
斜暉

高皇湯沐邑浩蕩楚天開南北風雲會春秋玉帛  
來靈旗龍陟降王氣鳳盤迴根本岐豐舊還期關  
草萊

鳳陽

神臯是鳳陽瓜瓞接天長  
仁祖勤耕稼文孫肅  
禘嘗塗山盤寢殿淮水入宮牆  
白首哀遺老依依  
陵樹旁

地插羣峰翠天垂四野青  
皇基猶氣象帝宅自精  
靈禾黍侵周道貂蟬壞漢庭  
臥碑誰與守臣僕日  
凋零

具茨

帝受神芝籙天開大隗宮  
白雲迷七聖黃蓋導雙  
童有象成金鼎無爲合上穹  
龍顏如皦日瞻望具  
茨東

硤石道中

天險雒陽西臨關萬嶺低冰堅人馬滑雲暗驛樓  
迷竦石頻當谷飛梁忽接溪幾家陶穴住煙火暮  
淒淒

閿鄉道中呈杜子

中條高積雪太峯遠橫雲初日光相亂芙蓉望不  
分水開河艇過風起嶽鐘聞明日蒼龍嶺攀躋定  
與君

登潼關懷遠樓

山挾洪河走關隘地開八州高仰屋三輔迥當  
臺戍晚棲烏亂城秋班馬哀茫茫王霸業撫劔獨  
徘徊

西嶽祠

地引黃河帶天垂太舉旒威靈揚白帝肅殺散高  
秋鐘鼓存仙殿雲霞拜嶽樓憑將巨靈掌萬古滌  
皇州

桃林坪

窈窕桃林峽天如匹練垂石門人獨入谷口馬難  
窺拂席飛泉濕銜杯白日移神仙亦塵垢半壁玉  
棺遺

坪東壁有小峽如棺形藏希夷遺蜕

車箱潭

潭水車箱滿潺湲春雨餘上臨毛女洞中有涓川  
魚龍憂銅盤響人臨水府居先朝遺玉簡靈氣發



芙蓉

潭通河渭天下第七水府也宋嘗投金籠玉簡其中

雲臺峰

聞道黃河底雲臺一穴通水簾橫洞口天井出空  
中一接蒼龍脉雙開白帝宮三峰南咫尺青翠更  
濛濛

歷千尺峽百尺峽諸嶮至嶽頂

臨崖垂半足飛上嶽蓮端玉井窺天小蒲池弄月  
寒白雲吞萬象瀑水瀉千盤左右石樓敞吾將寄  
羽翰

飛梯何裊裊千仞翠微邊路滑愁春雪身輕墮紫  
煙峽中稀見日花裏屢逢泉早晚攜妻子同餐玉

井蓮

青牛臺訪彭荆山

誰鑿芙蓉翠飛樓架此峰千山圍落雁一脈度蒼  
龍日射黃河雪天搖白帝鐘王孫遊不返此地種  
長采

大雪西峰作

三峰蓮皎皎萬壑雪濛濛玉女花頻散仙人霧欲  
空光搖高掌月聲亂紫霄風天地茫茫失驂鸞路  
未通

太宰作

仙掌三峰立天門半壁扃蓮花圍白帝玉井出明

星橫度蒼龍磴高歌落雁亭河山襟帶盡兩戒據  
天經

昨夜聞長笛依稀鸞鳳音三峰吹落月一半駐空  
林人道水簾裏玉姜毛女時弄琴神仙不可接悵  
望白雲深

渭川

渭源從鳥鼠東走向黃河勢到潼關大膏流沃野  
多雙橋象牛女七水滙風波往日皇威震呼韓緩  
轡過

三原人日作

春水流澌滿雙渠接瓠中橋橫清峪澗城倚仲山

雄遊女驕人日新粧儼漢宮藏梅猶凍雪著柳已  
光風

初至鴈門贈陳祺公使君

鴈門雄九塞句注壯三雲開拓靈王業驅除李牧  
勲漢兵天上戍羌笛月中聞鎖鑰今公賴威名廻  
冠軍

武安方略在烽鼓坐來消犄角三關壯憑陵萬馬  
騎鏜歌開樂府羽獵會嫖姚謂趙蒼篆慘淡黃雲外天  
盤八月鵬

陪陳使君遊鴈門山水

斗絕開雙闕浮雲莫與齊一夫當賈屋千騎阻磨

筭白草龍沙濶黃天鴈塔低使君多古意秋爽共  
攀躋

派水重陁出愁人獨漉過流離辭廣武嗚咽入滹  
沱欲把浮萍寄其如飲馬多王公愛行潦明信願  
無他

送田丈自代返秦將登華嶽

艱難隨雨雪邊馬急歸心趙塞辭句注秦關向華  
陰晴開天井閣夜聽羽人琴兩戒山河首無令壯  
志侵

春陰連朔漠白日慘無多喜別樓煩道愁聽敕勒  
歌東峰襟玉女西瀑瀉黃河最憶神靈嶽期君掃

薛蘿

繁峙道中贈趙侯蒼篆

三泉從太戲西下作滹沱白日秋來少黃雲戰後  
多彎弓隨大獵扣劍和清歌回首人烟裏城樓接  
二峨

聞鴈

鴈門無數鴈一夜盡南飛我憶羅浮暖難將雨雪  
違愁來弄羌笛夢裏著萊衣明歲梅花發鄉園歸  
未歸

歲暮送李天生出鴈門

雄關高柳北鴻鴈出其中天井開句注長城接大

同青苔餘戰骨白草失離宮歲暮多風雪愁君一  
轉蓬

荅天生

蒲柳先秋落河山異代傾報恩無劍術乞食有簫  
聲海鶴雙棲少邊鵬自獵輕君憐慈母在高義贈  
生平

述昏

豈意飄萍客天涯得好仇佳期牛女夕獨立鳳凰  
樓玉帛迎秦塞笙歌入代州威儀應敬爾拜手荷  
天休

三星光邂逅攬執合歡襦天使朱絃續人憐蕙草

蘇鹿車歸故里魚鱸奉慈姑萬里成婚媾恩情良  
獨殊

慈闈黃鵠苦子舍白華貧菽水憑諸弟關山隔一  
春亂離難在國高尚亦依人廡下須裘褐相將作  
隱淪

霸陵能共隱不復慕姬姜樂我惟綦綰娛親在酒  
漿心懸珠海月淚灑鴈門霜願作雙鴻鵠南飛返  
故鄉

初春代州作

二峪冰猶壯三關草欲薰積陰開白日春色散黃  
雲帳小箏人合沙平獵馬分□武皇諸樂府遺響



在羅裙

廣昌

此地蜚狐塞神京一線通長城帶天末古戍接雲  
中馬踏三秋雪鷹吟萬里風河流聲太苦應爲客  
途窮

浮圖峪

石路飛狐入天梯東馬過峰頭千仞堞峪口兩重  
河榆柳新秋少牛羊落日多往時高殺氣諸將此  
橫戈

紫荆關

天半旗臺起霞連落日黃山開關路小河繞塞垣

長蹴踔將軍戲酩酊上客賜夜來笳鼓動淒切助  
思鄉

大同旅次

獨宿天難曙孤征日易曛夢魂青塚月涕淚白登  
雲書斷隨陽鴈笳連守凍軍代王宮咫尺砧杵更  
愁聞

邊夜

萬古明妃月光含漢苑愁吹來龍塞影散作鴈門  
秋白露沾衣濕天河接淚流南飛鴻鴈盡何處寄  
離憂

已恨

已恨關山濶還愁鼓角悲家貧難在外年長易傷  
離弟妹農桑苦園林雨雪遲夢中見慈母白髮總  
如絲

代州夏日馮方伯招飲故大司馬白谷孫公

園亭卽席賦

何以炎洲翠而辭大庾梅因君有瓊樹故拂羽儀  
來峨眉朝霞起圭峰暮雨開殷勤賦公讌持以荅  
金蠟

當年大司馬手植此蒲蓮池引滹沱水堂開紫府  
臺五煙沙場功不遂薤露恨空傳苔徑餘行迹勞  
君拂綺錢

昔同浣紗女弄機太湖亭南北穿蓮葉東西入洞庭  
何期句注塞亦有采香涇無數芙蓉發山光映  
水青

鴈門

鴈門十八隘天欲界華戶主父長城在蒙恬古戍  
移雄圖歸豎子王氣走燕支萬古扶蘇谷泉聲尚  
恨斯

谷中有泉聲若恨斯  
恨斯因名泉斯泉

再送天生攜家自代返秦

他夕高堂樂傾觴河漢邊天教兒女月長在掌中  
圓花萼連韋曲田園傍渭川從今衣帶緩宴會復  
何年

名山詩外  
卷之三  
祝牧思借隱行行負戴難青霞悲自鬱白首畏人  
看朔雪先花發炎風到海寒鷄鳴頻送爾帶夢上  
征鞍

招搖直雙舉河伯滙三秦秦時神明地宗周禮樂  
人霞流明月滿露浣白華新不共千秋業離居惜  
此晨

平城

往日平城困閼氏畏漢威三軍方發弩一角忽開  
圍娘子城猶在陳平計不非只今頻月暈誰復救  
龍旂

將從鴈代返嶺而留別程周量

漢壘懸高柳胡門控太行三年愁出塞萬里夢還  
鄉馬陷渾河雪裘沾白草霜無才營菽水蕭索一  
行裝

太華當秦闕終南作漢標圖書藏玉井兒女下青  
行信美非桑梓言歸逐海潮三閭元隱士費爾小

山招

時自華  
山來

高高峨口月萬里照邊愁白鴈銜霜信明河掛戍  
樓庭闈南海隔井白朔天留去住難爲計悲歌歷  
九秋

流落真無計依人古所難自憐因老母不敢謝長  
安骨肉歸相保關山去正寒勞君治行李岐路泣

相看

豈少簪纓客無如桑梓情相依期白首此別見平生孝友慚諸弟詩歌慕兩京才華竟何益早去事躬耕

炎洲山水好秀色滿煙霄與子爲兄弟東西若二樵相憐皆翡翠自娟一蘭若此日京華隔子行秋沈寥

聲詩滿京國大雅似君稀不有黃鐘奏誰知白紵非先公多樂府西漢一音徽更作離騷傳佳人志不違

羅浮雙嶽峙一半是蓬萊風雨時離合波潮若往

迴寧無蝴蝶洞不及鳳凰臺  
文獻曲江後須君接  
武來

荅王阮亭

朝攀楓樹吟暮拂洞庭琴  
楚客元多怨淮王最賞  
音先臣有芳草移植羅浮陰  
採擷沾行露憑將荅  
所欽

荅錫鬯

白日今誰照途窮總苦辛  
亂離難自食高尚易違  
親水咽扶蘇谷花愁紫塞塵  
淒淒知已淚千載一  
沾巾

馬上



馬上聽橫吹征夫心最悲邊雲多慘淡隴水易流  
離翠嶂盤陵邑渾河繞嶽祠時艱思用武未忍採  
華芝

望田子

天寒宜射獵君向大同川紫兔懸鞍後銀箏在馬  
前沙城迷積雪嶽樹出晴煙日暮行人盡關門待  
玉鞭

贈楚客

聲詩江漢始莫謂楚無風我祖離騷賦人稱小雅  
同明珠貽下女香草惠童蒙之子荆南起還將樂  
府工

贈別顏修來

斗柄垂雙舉龍門控大河精靈從此得哀樂向來  
過白帝開珠闕蒼龍引玉珂登臨吾與汝萬古一  
高歌

我憶炎洲好乘秋返故鄉鷓鴣長向日桂樹不驚  
霜別酒愁燕市征車苦太行青雲君已達應自惜  
圭璋

同陳子遊五臺作

公子追康樂名山挾少文觴浮二峨水馬蹴五臺  
雲北嶽連陰翠黃沙似夕曛酒酣能射虎不必李  
將軍

竝騎登巖岫行行紅葉深五峰秋積雪雙瀑日穿  
林孤鶴先知曙神龍善處陰先朝鐘鼓在草莽最  
驚心

雪雜山花落隨風入翠微冰崖愁馬滑霞壁羨猿  
飛高尚何曾得伴狂亦覺非林泉殊可住無奈隔  
庭闈

荅杜子

萬里高堂月光從漲海來衣裘軍幕冷笳管戍樓  
哀高舉思黃鵠嬌歌厭落梅音書頻報爾秋別白  
登臺

武安君廟

往日多奇陳飛揚教射夫守真如處女出卽掃林  
胡伏臘三關淚兼并百戰圖代州祠畔月英爽颯  
虛無

唐晉王祠墓

代北威名著飛揚射馬鞭長安廻帝駕天祐紀臣  
年三矢山河啓千秋俎豆懸從來賜姓者獨有晉  
王賢

發憤收京闕當時節度無奸雄紛割據父子一征  
誅輦路迷秋草陵門怨夜烏三垂岡上淚老去惜  
雄圖

何代丹青妙雄姿動 武皇精靈猶白日弓劔已

秋霜石馬嘶風急沙河繞塞長應州金鳳井霸氣

共蒼蒼

王有書像

武

九日

西風吹白鴈天半落秋聲感此無衣客登高賦不成  
并門橫大漠淩水繞長城惜別那能醉樽中酒  
自清

贈故將軍

無事客遠西名王共角觚飛騰空射虎汗血枉成  
泥蘇武猶生子要離已孿妻無繇持報漢愁向朔  
雲啼

晉祠

風雷纏一水，柘栢貫雙溪。注向橫汾北，來從懸壺。  
西霸圖煙漠漠，王跡草萋萋。蟋蟀催遲暮，王孫思  
欲迷。

一水稱難老，綠交流出晉陽。東西穿古栢，左右結  
飛梁。灑祀追桐葉，雍容見袞裳。金沙不可拾，月照  
一蒼蒼。

平刑

全晉咽喉此，城橫萬疊山。西屏句注塞，東控紫荆  
關。砧杵三秋急，旌旗一代閒。天心元朔漠，臨眺且  
開顏。

塞垣寒太早，裘馬凜秋分。山雪爭初日，河冰亂白

雲一關天上度雙角月中聞故國南歸好無因逐  
鴈羣

武靈王墓

威靈傳主父四戰霸山東六國朱旗却三胡紫塞  
空沙丘畱大塚夏屋失離宮長技開中國誰思騎  
射功

送田子之應州

桑渾二水合繚繞塔兒城知遠基王迹沙陀起義  
兵黃風吹日落白草與天平太守君知己詩應奮

夏聲

田秦人

代州馮氏園亭賦呈主人楊馮甥舅

疊嶂紛蒼翠隨雲渡水來  
芙蓉方伯沼楊柳尚書  
臺試馬分金埒流鶯送玉杯  
主人挾絲管更欲盡  
船開

花飛棋局亂月出射堂高  
易飲蘭英酒難酬金錯  
刀荒淫三楚秀遊俠五陵豪  
萬里成歡宴笙歌莫  
告勞

鴈門旌節罷賓客少逢迎  
之子連甥舅諸侯託友  
生依人意氣盡失路羽毛輕  
慷慨撫長劍知君亦  
不平

江南少鴻鴈塞北足鴛鴦  
送老憑歌管違親爲稻  
梁雲含陰館盡城與朔天長  
與子將分手誰堪此



戰場

夏日清宴堂小集

時旱甚

高館清和候披襟花氣薰  
菲菲憐細草黠黠望重  
雲捉塵談秋水銜觴待夕  
曛邊庭人事少遊戲莫  
離羣

送汪生

北紀山河曲中都雨雪邊  
客來秋屢晏人去月空  
圓夢繞三關道愁連萬里  
天離亭頻折柳送爾更  
淒然

代昭生朔州客邸作

坐見星河落思鄉寐不成  
邊風吹鬢盡朔酒帶愁

傾五嶽非予志，雙鬢送此生。  
皇天憎管樂，已矣罷經營。

保定重別陳少叅

去盡鴈門客，無依餘片雲。  
往時託瓊樹，鸞鶴共紛紛。  
幕府虛秋憲，滹沱但夕曛。  
何當逐旌節，重向朔方軍。

三年求菽水，流落向人看。  
膂力風塵盡，衣裘雨雪寒。  
非君重騷賦，之子枉游盤。  
揮手此爲別，依然行路難。

返顧同黃鵠，將分戀玉杯。  
淚從今日墮，愁自故鄉來。  
夫子且絲竹，中原尚草萊。  
夢中如識路，應向謝

公臺

將遊五臺宿繁峙客舍作

文殊聲色裏何處問仙靈  
風湧滹沱壯雲含太戲  
青浮生悲過鴈薄俗賤飄萍  
不寐懷明發疎鐘起  
塞亭

答李孔德

浮雲久失所空憶洞庭陰  
一葉驚秋早微霜點鬢  
深感甄勞玉枕要列費清琴  
君惠招辭好魂歸楓  
樹林

留別陳正子

塞北罷遊獵江南思采蓮  
高堂有書札久廢東臯

田別爾漁陽路愁懸鴻鴈邊臨觴無可贈只此白  
華篇

送麥生

人生故鄉好親戚使情多常歎遠遊者無如山水  
何君歸畢婚嫁莫卽浮滄波往日陶彭澤田園事  
匪他

九日集陳大夫署中

落葉將蟬去浮雲逐鴈來可憐出塞客不上望鄉  
臺賈屋懸歌席滹沱瀉酒杯佳晨同戲馬聊倚宋  
公才

贈李武曾灌園

平生慕農圃之子在丘園爲母藝花竹歲寒無與  
言人煙不出谷古木自成村兄弟枯槁舉一溪流  
到門

真定道中

秋色晚蒼蒼驅車過太行千山盤上黨萬木落漁  
陽結客黃金少投人白壁傷男兒羞血戰談笑報  
君王

飲馬濁漳流茫茫去國愁沙陰迷雉堞草色暗狼  
溝博浪千金盡淮陰一飯留誰憐飄泊苦忍死爲  
神州

豫讓橋

國士感知已能將七尺輕擊衣  
簪已報吞炭氣難平  
漳水西風急邢臺落日晴  
千秋石橋上過客馬  
猶驚

永平

碣石懸天柱盧龍接北庭  
海吞灤漆白山擁薊遼  
青古塞燕王築雄關  
漢將扁威名思李廣猿臂障  
朝廷

贈汪子茗文

吳人

梁鴻慕游札昔向姑蘇臺  
豈意延陵子今逢薊北  
來爲君奏風雅是日陳樽  
壘曲半新聲變宮商待  
爾裁

君問羅浮裏仙靈事若何須知蝴蝶大更是梅花  
多時有麻姑客紛從翠羽過峰巒勝廬嶽四百玉  
嵯峨

別蒲城王子

思家珠海月望母白登臺此去隨南鴈明春見早  
梅折貽金粟客一汎索郎杯莫令歡娛少行歌太

峯來

王子家金粟山下  
索郎酒蒲城所出

首山

疊巘峯山北連峰蒲坂東巨靈揮斧鑿黃帝采金  
銅翠障三邊盡洪流九曲通茫茫天下脊形勢爲  
誰雄

三原題杜子草堂

從君來谷口，日夕賦閒居。  
田傍池陽藪，門臨鄭國渠。  
峰高先積雪，花落細沾書。  
太率勞相導，遊仙駕鹿車。

荅王六惠葛巾

叔夜能含垢，科頭已有年。  
飛蓬悲髮亂，墮馬愧妝妍。  
時有歌人在坐勞子裁雲葛，爲巾象嶽蓮。  
醉來休倒著，珍重竹林前。

送曾庭聞返寧夏

寧夏推雄鎮，咽喉花馬池。  
膏腴魚米地，灌溉漢唐陂。  
爾愛賀蘭翠，家臨河水湄。  
功名邊上好，莫卽嘆



流離

留別錢舍人

萬里庭闈在言歸漲海隅誰能棄鄉井自此作屠沽  
京雒辭知已關山命僕夫從容君退食書札問慈烏

日食

戊戌五月

端陽逢日食慘澹薊門邊黑水無全地黃雲有半天  
魯陽戈尚在義仲御應旋萬里蒲甘國龍旗正倒懸

送魯人劉六茹入峯山兼寄彭范二道者

魯國何男子夷齊尚不希昔當猛虎步今叩老龍

扉日觀辭滄海蓮花攬翠微  
率陰雙隱者蘿薜好  
同衣

張二丈爲予畫支公養馬圖

支遁憐神駿今朝得紫騮  
風沙生素練剪拂向高  
秋牢落千金骨蒼茫萬里侯  
含毫何慘淡憐爾在  
林丘

贈毘陵毛子

總角逢君日羊城正卜居心  
摧哀痛詔淚洒治安  
書倉卒貽蘭草飄零斷鯉魚  
時聞騷些曲沅上弔  
三問

我愛吳音好悠揚國士風  
美人懷別鶴清夜拂焦

桐月迴秋河失花深鏡水通天風吹不散一曲彩

雲中

毛吳人

客心如顧兔長在月中生隻影賒春帶繁聲恨寶  
箏驂騶虛朔漠蟋蟀滿秋城蕪絕尋君夢連宵到  
柳營

贈二張太史

之子生京口金焦秀色多文章若江水萬里下岷  
峨日日趨丹禁雙雙鳴玉珂弟兄皆早達花萼共  
婆娑

贈別楚客

相逢薊門月如入洞庭秋楚客多奇服湘娥善暮

愁平生慕宗國亦既適荊州豈意狂歌客偏從燕  
地求

愆劉六茹病

吾道宜多病棲遲及暮年同心溝壑盡受命雪霜  
偏山色寒當戶河聲遠上天祗應娥月好長抱客  
星眠

六茹下  
再娶

贈某大司馬

鸞皇止阿閣鱣鯉出清川夫子袞衣日而多白屋  
賢從容命詞賦顧盼生雲燿未忍羅浮去徘徊玉  
塵前

一代持風雅宗臣道自優離騷多諷諫比興卽春

秋空翠浮槎落微茫  
淝水流後生師典則不向杜陵求

漢代才華合西京樂府開人傳大司馬詩冠栢梁  
臺我有朱絃曲思陳清廟來楚聲俄變亂挾瑟待  
公裁

送趙生就婚慶陽

羔鴈經河嶽威儀爾敬茲先王桑梓地君子瑟琴  
時祖德同瓜瓞天休是兔絲兢兢秦士會莫忘述  
昏詩

高奴客舍作

今夜宿高奴天寒尊酒無風驚聞墮雁月出見吹

籟紫塞難障漢黃河不限胡千秋無定水嗚咽爲  
扶蘇

別王十二杜五之作

萬里爲兄弟交情豈偶然歡娛曾幾日契闊又窮  
邊紫閣懸斜照樊川起暮煙離憂嘗似醉不必酒  
杯傳

流曲訪張孝廉文谷

流曲在富平

一代遺民在平生海嶽求同心漆沮客招手荆山  
樓黃帝鼎邊月武皇祠畔秋秦人懷白露應問此  
河洲

涇陽訪王大春

之子復何事涇陽方灌園三峯開瓠口二水出寒

門薇蕨先公節

尊人葵心先生癸未冬遇  
聞賊之難不食七日卒

桑麻鄭

子村

鄭子真谷  
口村也

相過秋色好清絕似仙源

攜姬遊峯山賦贈

誰知玉井裏亦復有鴛鴦玉女洗頭罷蓮花無數  
香更憐毛女好於此素琴張風捲水簾雪愁卿羅  
袂涼

渡渭

秦川涵帝澤渭水象天河襟帶雄三輔朝宗鼓大  
波含涇清自在宜黍力偏多有客扁舟渡蒼茫發  
渾歌

送吳子歸河中

昔年上泰華遙望薰風臺一片蒼梧恨茫茫天外  
來君今滿坂去門對首陽開並向夷齊墓松間掃  
綠苔

懷懸公

四爾蓮花容新棲銅井山飛泉爲玉塵明月滿松  
關戎馬時方急羅浮我欲還相思蓬海隔流淚損  
朱顏

望三塗

壁立如天闕三塗險在前陸渾雲晡暖伊水雪潺  
湲逐兔過雙澗彎弓落一鞭當時辛有淚霑洒爲



東遷

輓王安生

有序

安生卮陵人名席民嘗爲大中丞胡公際亨書  
記達州城破胡公不屈歿安生與諸客皆就縛  
臨刑諸客仰天哀號涕泗被面安生獨慷慨請  
歿監者壯之爲言於主帥悉減歿分籍卒伍安  
生遂得隸叅將趙君籍中趙君異其才請爲上  
客偕守鴈門邊城多暇輒爲詩悲涼悽愴人無  
知者竟鬱鬱以沒予傷其苦節隱忍爲詩吊之  
云

雄臣馳騫日慷慨詠扶風赴節人誰力謀軍爾匪

躬千筈沉白帝一矢落冥鴻遂使王孫草迷離朔  
漠東

飄零軍祭酒老向鴈門營北海羝難語南枝鵲易  
驚魯連無玉貌輔嗣有金聲潦倒笙歌裏何知後  
世名

壽命非金石邊州歷苦辛憐才多走卒洒淚更羈  
臣龍性馴何補枿枝脆有因遺音幸不墜騷雅與  
同倫

河套

三面黃河阻千羣鐵騎飛受降城已沒白馬將無  
歸風亂哀筈曲霜生利劍威赫連臺上望殺氣接

金微

長城那足恃絕壁彼能攀衛卒虛分戍邊人苦賣  
關賀蘭天失險花馬地成閒一片延綏草誰尋白  
骨還

草迷元昊國山繞衛青城海子黃雲散鹽池皎月  
生防秋稀宿將媒鹵盡遊兵坐使三秦國邊功竟  
不成

一片長城暮邊聲不可聞羌兒秋月下笳吹動戍  
羣榆柳迷青海牛羊下黑雲今年高太白努力漢  
將軍

屬國無三衛中華有一墻關人分鎖鑰債帥作金

湯地產邊才少天行劫運長六竈殊未遜出沒在沙塲

巢父墓

却笑箕山客幽光使帝知至人無物累天下有堯  
治飲犢臨清澗懸瓢在上枝高風何處溯遺墓草  
離離

潁橋謁潁考叔祠墓作

潁橋臨潁谷純孝憶封人繞墓慈烏夕綠祠蔓草  
春遠遊乖子職明發愧天倫菽水求無處艱難萬  
里身

將從潞河南還賦別劉吏部

平生在五岳晚作京華遊欲共山公醉竹林無處  
求仙人隱聲色遠思凝滄洲送我蘭橈去情同河  
水流

天津夜泊

九河歸帝甸二海出天津潮氣疑風雨燈光見鬼  
神孤舟今夜冷明月異鄉親回憶承平日笙歌兩  
岸春

寄何子

病裏知秋早涼風生鬢絲夢隨林葉落心與海雲  
遲明月不長滿青山空有期斜陽在南浦每憶送  
君時

送楊職方使安南

爾建相如節宣威象郡中從來神武策不用羽林  
戎早晚歌鐘賜西南戰壘空功名歸使者勒石伏  
波宮

送陳氏兄弟還清苑

送君桑梓路蹀躞塞門霜拒馬河橋滑飛狐磴道  
長蘭膏調夕膳玉樹發春堂不共彈棋戲相思殊  
未央  
平城揮手別無計挽鸞鑣鴻雁三雲隔參商一水  
遙趨庭過嶽瀆獻賦入雲霄愁絕將軍餞饒歌合  
短簫

別緒縈春柳離心逐玉鞭黃雲愁朔漠白日慘幽  
燕歌舞思鳧藻樓臺惜綺錢王孫招不遠望爾小  
山篇

鳧鴈懷梁藻松杉愛菟絲壺觴心貺後歌舞目成  
時雨過平川入雲來疊嶂移晨葩伴處子採擷得  
連枝

詠唐晉王

當年頻請討知罪總春秋誰忍窺神器惟知壯帝  
猷英雄多汗馬王霸有箕裘憔悴宮邊柳烟含五  
代秋

壽榆林趙侯

旗幟黃花嶺笳沉白草溝武安勤饗士太尉暇登樓  
樓霸氣沙陀早軍聲陰館秋無須黃老術儒將自  
風流

幕府依巖武溪堂築浣花雄才驚不世浪迹託爲  
家嶽吐孤生竹天含五色霞年年持獻壽忠信是

丹砂

予爲侯館勞

別阮亭

今代青雲客漁洋麗句多芙蓉開曉日鷓鴣漾金  
波擁傳揚州去廻鞭上苑過玉鈎斜畔月水調奈  
君何

昔年尋白社君贈廬山謠以我棲禪寂相思不見



招今來望宮闕又欲返東樵喜爾容臺上殷勤玉  
珮要

不堪人老大種柳已成圍羽翼中朝少墳箴故國  
稀微言及莊老散帶臨芳菲莫惜閒書札鴈門多  
鴈飛

懷同岑

空翠洞庭陰枯風吹滿林白雲不可見日與數峰  
深聞在毛公洞時時拂素琴秋來摘朱橘霜露濕  
衣襟

送陳五黃門訪藥禪師

白頭陳給事五嶽去何遲君父真無所神仙亦後

時折梅過大庾炊黍憶東菑此日宜高臥浮山與

爾期

丈夫殊未遇努力食嗟來况有青琴在那憂白髮  
催吳山朝步馬越水暮流杯不有三禪客誰憐一  
代才

張文獻公祠

南人初作相始自曲江公風度朝廷肅文章嶺海  
雄開元多事業大庾有祠宮一自陳金鑑君王念  
不窮

東莞伯

往時雄保障功在祝融墟帶礪盟猶在山河胙已

除不稱南武號頻上竇融書此日知王命英雄總  
不如

送王鍊師

片言爲寶劍贈爾壯遊人兒女非無淚英雄自有  
神黃冠辭百粵白馬入三秦談笑取卿相歸來復  
養真

哭從弟孚士

往日趨行在忠貞有我兄禮部兵部二君六龍誰扈從

雙鳳獨功名淚洒蘭倉水心懸緬甸城家中憑第

五孚士行第五水菽苦經營

吾宗荆子姓人重楚王孫與弟成嘉遯惟兄在白

園

白園禮部  
君所居

情將同被薦道以采薇尊今日人琴

喪悲酸不可言

嗟汝年雖少英姿已絕倫士龍真俊弟仲武始成人  
膂力難爲用才華易致貧紫荊凋一幹痛絕是天親

奔墓吾無及招魂爾不歸池塘誰入夢花萼舊相輝  
一女生彌月三兄淚滿衣不知朝與暮何以慰慈幃

未有遺孤在彌令寡婦悲慈烏啼欲絕孝竹槁多  
時康樂詩頻獻離騷學不遲靈牀盡一慟泉下可  
能知

壬子春日弄雛軒作

弱柳垂煙重天桃破雪新一身傭作苦十日隱居  
貧性拙鳩無屋機閒鹿近人羅浮多筭蕨采采及  
青春

日遲無一事清嘯和泉音水國春難暖茆齋晝已  
陰娛親惟彩筆學道有青琴慈孝憐多竹枝枝帶  
露淡

少妾能調管賢妻喜讀書花沾紅袖濕月映碧牕  
虛食盡思干謁身危屢卜居纏綿殊未已小別亦  
愁予

未厭妝奩戲帷房日弄姿中郎書幼婦萊子作嬰

兒供養多春酒歡娛更畫眉茶煎萱草帶相對月  
明時

楚俗多哀怨三閭曲最高未曾生漢武誰解愛離  
騷託意惟男女凌虛少羽子相思泉下友淚濕舊  
檀槽

自愧單家子疎巾折節年人肝分盜跖馬革矢文  
淵花落又將盡河清殊未然終知不得志白首作  
神仙

清狂亦自厭老大欲誰親未敢求知已猶然愧古  
人雨中微見月花裏好畱春晚計惟兒女家庭道  
不貧

自憐書著就亦是一春秋受業文宣母橫經大石樓少年誤黃老中歲賴窮愁絕學江門在吾曾夙夜求

賦答莞中梁子

萬里孤征日三朝痛哭人還家如紫塞見爾卽青春犬馬難酬主雞豚幸及親白頭得知已感激更沾巾

丈夫時命薄不幸作神仙梅福監門日安期賣藥年道須高士得書必後人傳歲晏多風雪枯枝好自堅

與子復何事千秋一采薇自驚鸞鶴貴不必稱梁

肥海氣樓臺結溪聲水石飛龐公我兄事牀下拜  
無違

滄浪歌自逸漁父卽三閭哀怨復何益芬芳難久  
居月華含露濕泉響入風虛吾道遠遊好從君恣  
所如

時無衰鳳在誰與楚狂言將子知音好從茲古道  
敦鴛鴦元共命蘭蕙亦同根寡過相須甚時時一  
討論

春山草堂感懷

地因濱海濕人以著書貧况復多風雨彌令歎苦  
辛半生遊俠誤一代逸民真菽水勞妻子窓間刺



繡頻

辛苦朝那女隨予萬里鞭還家猶是客事母未經  
年蘭麝餘粧閣枯楸滿墓田可憐清夜淚滴滴到  
黃泉

客心傷已盡黃鳥苦流聲一水穿雲直孤花吐日  
明東西家未定四十道無成何以蠲憂疾文章送  
此生

臥病江臯久空懸漁父期秋風不可觸一夕鬢成  
絲海暗鴻聲疾山寒日影遲祇應與黃菊榮落在  
東籬

故國枯楸裏君臣幾杜鵑臥龍成白首躍馬已黃

泉風雨悲寒食干戈失墓田  
七  
八  
人薇蕨在采采暮雲邊

失志今如此吾生安所成  
但能飲美酒自可得高名  
孔雀春多翠黃花晚有英  
九歌誰忍續綺靡但傷情

慷慨空長嘯無心愛好春  
愁多生白髮命薄失佳人  
海燕成巢屢安榴結子頻  
纖纖銀繫爪猶憶搗彈新

枯子和枝落蕭疎見鶴巢  
秋聲多在竹露氣半含  
梢寂莫通先哲饑寒答  
素交年來無可用慚愧似  
空匏

隱忍身將老英高世不知梁鴻元烈士魯肅本狂  
兒陰市名刀久橫行匹馬遲朝來頻攬鏡歎息鬢  
邊絲

未能誅淖齒何以見慈親市井堪呼戰君王已屬  
人倚閭從白髮報國及青春去去提雙劍男兒自  
有神

幾夕松間石披衣坐忍寒嘯聲空外答心影月中  
看果落驚山鳥風來墮籜冠淒涼殊不寐更上步  
虛壇

慷慨干戈裏文章任殺身尊周存信史討賊託詞  
人素髮垂三楚愁心歷九春桃花風雨後和淚共

沾巾

白髮同秋草愁心似落花君王頻殉國將帥祗爲  
家薊北瞻丹極滇南想翠華無才扶日月流落任  
天涯

衣服燒丹盡圖書換米餘養親生計薄求道世情  
疎兒女催華髮親朋笑索居黃花寒不落歲晏欲  
何如

隱几長忘世扶痾始覺身死生元不厭藥餌且相  
親明月已云滿桃花那再春浩歌聊自送去作北  
邛塵

幾欲從軍旅其如白髮人有家難委弟無策可娛

親作士詩書賤爲農隴畝貧終然將七尺去作玉關塵

平生梁雪竇是最知音一自斯人沒三年不鼓琴文章藏禹井涕淚滿山陰向夕聞悲築魂應起壯心

遊蒲澗

我慕安期子菖蒲澗上來言尋赤玉鳥更上鶴舒臺古寺臨秋水當窓見早梅蒼蒼一洞口不得水

簾開

寺旁有水簾

答人惠藥

蝴蝶作莊周佯狂世上遊有身如殉道無地可埋

憂月出先微雨梅開後素秋承君念寒疾藥石重相投

羅生以角弓贈行

丈夫求一飯不到孟嘗前貧賤多知己飄零及壯年親勞角弓贈申以紫駟篇此去非遊獵烟塵滿朔天

重寄姚石埭

聞君挹丹溜日夕訟堂間人道羅浮月飛來天柱間子安有黃鵠肯送故人還還及梅花發朱明更掩關

石埭即古陵陽漢時有竇子明者飲陵陽丹瀉泉與其弟子安騎黃鵠仙去子明曾爲令陵陽姚家近羅浮而石埭有天柱石故云

信陵去已久高義在夫君我亦屠沽者諸侯莫不  
聞昔勞贈長劍今豈若浮雲岐路懷知己踟躕向  
夕曛

逢陸水修

平生愛吳越山水足登臨有友皆高尚如君最素  
心錢唐昔相見薊北此招尋惠我新詩好洋洋被  
玉琴

頻陽紀夢作

湘纍魂越散端賴美人招故國無三秀佳期有二  
姚神光離復合幽夢暮還朝不道襄王惑頻將玉  
珮要

南楚來萍實西秦遇薜英舞驚王翦里歌掩美原  
城薄夢爲媒灼多情愧友生思爲連理木枝葉向  
冬榮

風吹珠海月月照弄珠人窈窕匏瓜匹徘徊子夜  
春驚鴻翩欲舉墮馬艷無倫太白金陵子風流繼  
後塵

答定上人

乞食元吾道蕭然似古狂九歌驚市井一笑受壺  
漿世態從輕薄仙源自渺茫逢君人外賞把臂竹  
林傍

題戴務旃水田圖



與君沮溺心農事懷江陰昨夢水田鷺飛過青竹  
林朝來作圖畫春色東臯深安得耦耕去還爲桑  
者吟

贈兗州朱十四

少小逐遊俠騎行白鼻騮昔逢宋如意今得魯朱  
家拂劍舞秋月開樽臨暮霞高堂有歌管斟酌曲  
中花

嗟君閭里俠金盡欲如何亂後田園少愁中鼓角  
多將軍無細柳漁父且滄波懷有遺書在行行避  
紫駝

以鶴頂杯贈潘岫樓翁時翁年八十矣

金應收駿骨珠莫買蛾眉況此飛仙物堪娛綺皓  
姿聞翁春酒熟正值杏花時將我鶴杯飲千齡定  
可期

過清遠諸灘

一百重灘水篙篙與石爭風雷隨地轉巖壑逐人  
行舟子寒相怨沙禽暮亦驚何當歸舊隱高臥掩  
柴荆

冬日英州山中

山山黃葉盡殘雪響楓林天入羣峯小泉歸一壑  
深高松寒立影明月正棲心冉冉歲華暮誰來問  
玉琴

滇陽舟中

離鄉曾幾日不斷夢庭闈自是慈恩重非關道力  
微空江過宿雨細草媚朝暉未忍尋山水秋深定  
卜歸

度臘嶺

一徑穿紅樹千盤墮白雲衡湘林外出交廣嶺頭  
分流水如人語迴峯似鴈羣間關何所事蕩子去  
從軍

任囂城

瀧口高城在將軍舊啓疆觀星知越霸絕道待秦  
亡虎豹三關踞旌旗五嶺揚保民功不小祠廟遍

炎方

度騎田作

鞍馬不遑息行行棧閣間天寒風落木日暮雨連  
山榴嶺通三楚榔江下百蠻遺民思義帝伏臘淚  
痕斑

有義帝祠  
在榔州

乳源出水巖采雪花贈高士周孝廉詔

乳山多異卉歲晏發寒林不作冰霜色誰知草木  
心幽香盈石室素影傍瑤琴遲暮吾何惜憑將答  
所欽

梅花澆水

梅花澆水地幽絕可逃秦畊鑿無餘事衣冠在野

人人人持鹿鐵處處見熊伸  
猺女歌聲好風吹聽  
不真

過瀧

水出王禽嶺飛騰作六瀧  
蹠天過萬嶂驅石落三  
江舟楫驚相戰蛟龍怒  
不降漢時周太守疏鑿  
奠吾邦

險絕過瀧水舟飛沸鼎中  
死生隨白浪出沒信狂  
風沉璧祈河伯開山歎  
鬼工單船如一葉片片  
落秋空

性命懸三老舟行若轉蓬  
心安過一石身小束千  
峯猿嘯梅花裏人棲竹  
葉中年年白頭浪送客  
欲

成翁

舟從九淵出勢挾蛟龍強  
巨崖皆辟易白浪共飛揚  
揚忠信豚魚格高深孝子傷  
生還天地意從此戒垂堂

樂昌水漲

春水三瀧發驚流兩壁飛  
蹴天過疊嶂灑雪亂晴暉  
暉樹影連城暗猿聲出浦微  
幾時捐世事來此坐漁磯

煙霞峯尋李鄴侯故居

中峯多翠微隱者舊光輝  
日日開黃石風雲繞白衣  
書臺春木秀嘯館暮煙霏  
今日瞻靈武何人扈

六飛

望桂宮

秀麗湖湘地神靈岫嶺峯夏王刑白馬南嶽降真  
龍日月三年闢風雲萬國從峩峩朱邸在還見剪  
桐封

縹紗靈光殿雲開紫翠重遙瞻天子氣正繞祝融  
峯南狩過炎海中興在亢龍衡湘諸父老血胤憶  
神宗

我后生南嶽神兵掃北畿威靈羣帝接光耀八龍  
飛紫蓋畱金殿朱陵望玉旂幾時從大隗還駕五  
雲歸

望回鴈峯

峯勢如回鴈高高出楚天雲合衡嶽雪樹帶碧湘  
煙異日藏神劍今宵繫畫船乾坤猶震蕩未可挾  
飛仙

天岳

秋氣高無極峯峯積雨涼白雲吞七澤紅葉滿三  
湘禹跡畱盤石仙宮傍夕陽蛟龍多蟄此吾亦隱  
文章

湘陰作

青草三閩墓黃陵二女祠風清聞玉珮雲暗見蘭  
旗湖口瀟湘濶天邊鴻鴈遲容顏殊姣好公子未



會知

黃陵悵望

二妃埋玉處山壓洞庭波  
野外蒼梧遠祠邊斑竹多  
佳期愆北渚離恨滿雲和  
靈降先風雨來聽衆嬀歌

豆葉坪病起

山靜長如夕微微樵牧踪  
有時聞遠瀑終日對高  
枯久病悲歡盡新寒衣衲重  
他宵秋月滿應上漢陽峰

五老峰背觀三疊泉

我愛匡廬瀑無如三疊泉  
高高從五老飛落蠡湖

邊石上洒明月日中含綠燼海風吹忽斷一半入  
空天

面面峯巒絕橫天鐵壁青飛泉若燼霧白晝走雷  
霆激石成三疊穿雲出九屏無人知此勝來往水  
精靈

雨過坐三峽橋望石人峰流水

雨餘一片水壁立白雲端流過三峽亂聲入萬松  
寒復有石橋月宜人秋夜看羽人渺何處相憶玉  
琴彈

玉川門精舍春日

三疊泉邊閣春雲映雪明聽松忘日永采藥喜天

晴谷暖蘭先吐林幽鳥不鳴寥寥人境外一病入  
無生

人日秦淮上值孟王生辰賦贈

萬里從關塞相將負戴來爲憐桃葉渡未擬海珠

廻

海珠石在廣州

生日逢人日粧臺倚鳳臺梅花頻采采

爲子況春杯

旅食江南日相依幸不孤慰情憑弱女養志及慈  
姑雨雪侵雲鬢鶯花待玉壺年年人日好白首此  
歡娛

吳江贈顧茂倫

月出采香洲吳娘唱棹樓垂虹楊柳暗鶯脰白蘋

秋故國蒼茫別美人遲暮愁夫君若萱草一見卽  
忘憂

吳下要離子相逢意氣存千金生壯士一飯歿王  
孫返馬亡秦塞維舟破楚門他時功業就痛飲在  
中原

舟入閩門

曲折木蘭橈穿城四百橋錦帆風未散茂苑雨初  
消爐火含春樹人家逐暮潮相思明月夜歌管爲  
誰驕

望天平

天平青不斷雪盡數峰分表裏皆奇石朝昏在白

雲樓臺橫水出鐘磬隔花聞采藥吾將往相隨麋鹿羣

吳門贈京兆杜二

我愛秦風勁無衣不自謀美人居板屋女子解戎  
翰嶽走三峰勢河吞八水流君從關內至意氣正  
橫秋

姑蘇秋月夜歌舞亂如雲我亦吹簫至吳王不可  
聞徘徊金虎跡想像水犀軍泉下三千劍光芒盡  
在君

懷山陰祁六

賀監湖邊月風流憶舞筵星河花外轉樓閣鏡中

懸長袖紛留客清歌但采蓮此時君見贈西子沼  
吳篇

靈巖春日與李侍御灌溪遊覽作

春光如有意先到館娃宮石響佳人屨花銜使者  
驄湖吞三郡白水落半山紅七十二峰裏梅花望  
不窮

江東別朱生

彭蠡水茫茫東流控馬當孤帆懸細雨故國隱斜  
陽知己自門少思君秋夜長殷勤南浦送何日慰  
參商

分手橫江館煙波一片愁天門青兩岸春草綠中

洲相許有長劍所歡非五侯交情貧賤好歲晚莫  
悠悠

五嶺橫韶石三瀧下桂陽北門秦鎖鑰南服越封  
疆戰壘秋旗滿津樓晚角長期君如陸賈遊說得  
金裝

憶梅

往日園陵畔千株間白雲芳馨靈谷寺灌溉羽林  
軍亂點鍾山翠爭銜麋鹿羣高皇多手澤如雪  
日氤氳

舟至焦山

驚濤起東海千里雪山來飛楫過天塹狂歌把玉

杯雲迷三詔洞月出八公臺艸艸齊梁代興亡總  
可哀

贈金陵李子 有序

李子嘗爲予言家本唐衛公之後元末有祖妣  
吳太君者望東南有天子氣因自三原徙居于  
濠使其四子應 高皇帝召募凡攻城畧地四  
子受太君成算往輒有功 高皇帝旣渡江太  
君命仲子電求隸嘗將軍麾下采石之役元將  
蠻子海牙方盛兵待我電請曰敵乘險踞高仰  
攻不易請爲將軍出間道以乘其釁嘗將軍壯  
之電號黑扁善沒水於是沒入水寨潛易元軍



衣服澁陣士中比嘗將軍先登被鈞海牙將下  
石電給曰遠掣而上傳首卻敵善策也海牙未  
決嘗將軍因騰而上與電合斫殺數百人元軍  
亂遂克采石嘗將軍笑握其手曰黑扁乃能爾  
爾其三子皆有戰勛高皇帝俱授以指揮使  
命繪吳太君像以四翅冠冠之謂其能教四令  
子以成功云李子早習韜鈴長身善射嘗思奮  
發有爲纘其先烈崇禎癸未中武進士第一人  
是時賊氛甚逼天子欲召問戰禦之策爲奸  
臣所沮官未拜而京師遽陷李子詭時舍畧有  
漢都尉之心焉歲乙巳春歸隱金陵方治黃白

之術予過而憫其窮苦也爲詩以激揚意氣並述其先世遺烈焉

先帝無雙士熊羆勇擅場時窮能繞指天巧必穿楊棲託仙壇近遊盤御苑長獸肥春草短爲母獵無荒

國初傳爾祖采石建奇勳方畧高堂授威名大將分虎頭今有種鳳臆舊空羣他日交河戰還期再冠軍

鳳冠加四翅 帝錫太夫人教子仁爲將從龍智絕倫慈孫宜繼志大孝在揚親莫使王陵母賢聲奕世湮

三北嗟曹沫偷生爲母慈精勤黃白術隱忍戰爭  
時友誼河梁見天心草莽知金陵形勝國歎我卜  
居遲

過翁子山房賦別

翁子中吳秀詩歌起洞庭今修震澤志足補禹王  
經露引雙桐翠燵含萬壑青何時及秋月胥口共  
揚舲

乍見如芝艸臨分戀玉杯情同莫釐月送出姑蘇  
臺白鶴自茲去梅花誰爲開一峯歌一曲早寄相  
思來

橫塘寄徐昭法

雨過橫塘水人家濕暮煙湖山深竹裏雞犬落花  
邊昔至楊梅熟今來蓮葉圓相思胥口月之子在  
漁船

濠州作

赤龍飛作漢玄鳥降生商帝統還中夏皇靈戀故  
鄉光華金鏡在精爽玉衣揚終古枌榆社人祠太  
上皇

登觀象臺

欽天山峻極西接獨龍岡樹色迷長樂鐘聲似景  
陽帝王空有廟星宿不成行此日觀乾象愁心黯  
未央

訪錢牧齋宗伯芙蓉莊作

四面煙波繞藏書有一樓興亡元老在文獻美人  
留橋細穿荷葉舟輕及素鷗愛予初命筆交廣有  
春秋

于忠肅墓

一代勳猷在千秋涕淚多玉門歸日月金券賜山  
河暮雨靈旗捲陰風突騎過墓前頻拜手願借魯  
陽戈

謁謝臯羽墓

墓在嚴子陵  
釣臺南岸

君事文丞相曾蒙國士知漆身追豫讓埋骨傷要  
離露夕鶴巢冷風秋猿嘯悲墓門誰拜手淚滴白

楊枝

孤臣餘犬馬後亦徒然血淚長江瀉  
愁心朔漠懸千秋蘭麝土萬里虎狼天  
畱得冬青樹凌霜自  
宋年

六帝攢宮沒孤臣坏土畱可憐秦望月不及富春  
洲舊恨啼黃鳥新悲值素秋精靈依釣瀨長與客  
星遊

渡江

渡江神慘淡去國意蒼茫白首成遺老青春過異  
鄉山開京口濶水落海門長戰後黃雲滿旌旗更  
幾行

李驃騎置酒長干招同陳氏兄弟送予與杜  
子遊太宰卽事賦

疆弩將軍在千秋肘法傳驂騑悲失路鵬鷃想橫  
天探道丹書裏承歡白髮前朋來因孝友盡醉鳳  
臺邊

紫髯何颯爽詞客杜陵來四座風流映三峰氣象  
開將予尋白帝別爾上雲臺江左飛龍地明秋鼓  
棹廻

蕭條陳孺子黃老學多年貧賤非輕世精誠自格  
天鸞刀揮社日羽拂春燴旣醉驪駒駕歡娛惜  
此筵

如意堂前筑今宵變羽聲悲風吹木葉落月滿江  
城爭博同句踐飛觴屬慶卿丈夫窮不惜大器晚  
方成

臨淮道中

南望家臨海西征路向關爲奴居廣柳寄母有刀  
環積氣浮淮浦窮陰覆楚山歲寒難自保風雪損  
朱顏

郊縣道中

雪晴行郊縣山色撲征鞍大道風沙暗孤城煙火  
寒蒼茫瞻少室迢遞入西安臘酒襄陵美無嗟行  
路難



歲晚征衣薄天寒朔氣深庭闈思覲省河岳厭登臨  
臨細馬僵春雪慈烏盼暮林故園諸弟妹遙寄采  
蘭吟

尹太學新昏有贈

爾祖趨朝日謀猷動至尊孝須承諫草忠可繼天  
垣花萼枝枝好鵷雛一一存述昏新有作文藻亞  
諸昆

良人新葛勃國子舊仇香二月迎桃李三星下鳳  
皇讀書陪刺繡采藻及芬芳警戒雞鳴好先人德  
業長

送人之甘州

飲馬渥注川水肥春草鮮蕃姬來勸酒漢將去屯  
田風起鳴沙磧雲迷張掖天少年思奮武無淚灑  
窮邊

送周子之京口

形勝南徐好英雄往迹存爲龍思帝子躍馬笑公  
孫浮玉當京口裕寥是海門君行有長笛吹向莫  
愁村

荆門

巴水吞三峽荆門控百蠻山連夔子國天作虎牙  
關白帝朝雲裏明妃夜月間行人憐古柳多向楚  
宮攀

玉河亭讌集

玉河城闕外源出玉泉高穿宮爲太液步馬卽蘭  
臯樓臺盡楊柳尊俎有蒲桃相將梁苑客抽管賦  
春濤

尹太學新婚贈之

爾祖趨朝日謀猷動至尊孝須承諫艸忠可繼天  
垣花萼枝枝好鷓鴣一一存述昏新有作文藻亞  
諸昆

良人新葛勃國子舊仇香二月迎桃李三星下鳳  
皇讀書陪刺繡采藻及芬芳警戒雞鳴好先人德  
業長

佳人

佳人回鵲裝衣帶內家香一曲飛龍引思君淚數  
行篋篋悲夜月眉黛落秋霜辛苦良家子年年向  
戰場

觀舟山下作

千年龍虎國悵望一平蕪六代頻興廢中華更有  
無大江流王氣遺殿怨棲鳥玉樹歌良苦英雄莫  
據吳

與客遊陽明洞

陽明仙洞口與客共攀登注酒秦皇甕探書大禹  
陵山開蒼樹出泉落白雲崩散帶雖人外沈冥愧

未曾

入雲門作

平生山水興最在浣紗洲更入雲門去無窮是素  
秋風含清磬度水帶落花流白乳泉邊坐清冷足  
久留

贈劉生

英雄多失路四十未功名慷慨一杯酒飛揚萬里  
征文章新豹變汗血舊龍爭莫卽辭貧賤君才晚  
更成

平生一寶劍持以結交親不恨相知晚惟期白首  
新臥龍殊未老飛兔更無倫異日沙場上揮鞭逐

後塵

送友

中年須學道五嶽更尋師  
早得青蓮法來歸紫水  
湓天邊雙瀑布谷口一茅茨  
與子棲閒去人煙不

可知

紫水陳白沙先生所居

守道雖無悔遭時未免愁  
何因入泉石不敢負春  
秋豈以妻孥累而爲黃老  
謀行行聊乞食升斗爲  
親求

三水縣訪朱丈

地控三江口城開白塔村

縣治舊爲白塔村

市橋春雨滑

漁艇暮潮喧  
肄水清浮縣  
崑都山名翠映門  
停橈訪

知已相見戀琴尊

鷓鴣石

望望鷓鴣似雙飛直至今  
細微元地肺浮定總波  
心勢得三江險根應百丈溪  
不須過灩澦湏舟楫已  
沉吟

大蘆峽

群峒從此出浩淼到厓門  
二水吞孤峽三江控一  
村魚花多下步桶子滿中園  
潮勢秋來大微微島  
嶼存三水縣舊  
爲白塔村

空翠

乍染芙蓉濕蒼蒼不是煙  
有無秋色外明滅暮嵐

邊影入眉間黛光生鏡裏天天邊數鴻鴈飛處有  
餘妍

亂帆

亂帆爭落日十幅總雲輕勢定知風小飛低與水  
平紛紛無近遠片片在空明中有楚漁父滄浪歌  
幾聲

贈查子

之子求佳麗珠娘得小家芙蓉春有子茉莉夜開  
花粵有木芙蓉秋花春  
實茉莉素馨皆夜開看寫山山翠衣飄片片霞  
載歸勾越去如殺浣溪紗

柳花



一夕垂楊樹花飛入杏冥無風已如雪有水卽爲  
萍未忍吹長笛生憎種短亭鶯銜餘幾片掩映數  
枝青

一春風上下飛去欲誰家未肯污泥水惟知作雪  
花條長攀易得枝弱舞休斜幾點多情甚依依在  
鬢華

送權關使君

復作沉香浦人欽子大夫明朝共蘭楫祇有石家  
珠越鳥聲多好蠻花色太朱木棉携得否絕勝女  
珊瑚

錢烈女哀詞

錢烈女淑賢丹徒人性聰警知書乙酉年十六  
隨父述古寓揚州高傑等四鎮紛爭委河淮不  
守烈女憂之揚州陷烈女哭辭父母投水水淺  
不得歿以紙漬水掩口鼻亦不歿持刀自刎父  
母奪之不得歿烈女跪請父母卒再縊乃歿  
時告父母火之無畱骨穢地揚人葬之於相國  
史公可法梅花嶺冢傍南昌王猷定關中王巖  
爲作傳銘勒于墓石予過而弔焉

佳人能獨立不肯嫁烏孫九歿傳閨烈三春弔墓  
門珠歸天帝掌花逐雒妃魂詞客題黃絹豐碑照

古原

一代漢宗臣衣冠冢與鄰蘭心憂社稷漆室抱經  
綸慘淡揚州月蕭條邗水春東南佳麗盡餘爾露  
筋人

蕪城經百戰血滿玉勾斜  
歿畏畱青冢生憂玷白  
華緹縈能代父蔡琰不宓家  
玉石同焚後芳聲振  
海涯

韓烈女哀詞

有序

廣州有周生者於市買得一袴丹縠鮮好置干  
牀側夜將寢寒惟忽見少女驚而問之女曰毋  
近我非人也生懼趨出比曉率閭里來觀聞其  
聲嬌啼幽怨若近若遠久之而形漸見姿首綽

約陰氣籠之若在輕塵謂觀者曰妾博羅韓氏  
處女也城陷被執蕃兵見犯不從觸刃而歿袴  
平生所著故附而來西方淨土諸君見憐爲佛  
事則遊魂有歸矣觀者泣下懺禮袴焚自是遂  
絕

佳人何俠烈玉碎向重圍血濺花門騎魂隨霧縠  
衣神光離復合仙貌是耶非蘭桂千秋操芬芳知  
者希

白刃血紛紛佳人化彩雲可憐明月魄猶戀石榴  
裙鶉首天方醉蛾眉着世不聞哀笳三百弄總是慰  
昭君

輕雲含片月光彩乍陰陽詩禮爲良會人神有大  
網膳脂羞北地菡萏喜西方金母知相待瑤池路  
不長

哀麥氏諸烈

有序

麥大娘者番禺麥名世女丙戌廣州不守兵抽  
刃脅之大娘奮罵延頸就刃兵義而釋之乃辭  
其母曰朔騎徧城兒懼終不能免歿于兵毋寧  
歿于母母止之不得遂偕其妹同投井名世妾  
楊清以衣繫幼女繼入井同里麥受年妻周氏  
與婢清吟聞之亦投井歿

葡萄惟漢地孔雀不胡天豈有羅敷潔而求老上

憐明珠沉合浦美玉葬雄田不使金笳引飛來角  
枕邊

丹井水泱泱含君明月光落花封玉屨飛葉滿銀  
牀白璧還慈母黃沙謝峭王從來貞烈性盡在紫  
鴛鴦

張節婦 有序

張氏者番禺諸生王家泰妻丙戌廣州不守兵  
執張氏張氏方負幼女給以徐之兵喜釋手張  
氏疾走後園赴池而歿其妯某氏亦被執夫欲  
奪之以歸兵斫其夫某氏罵曰兇賊何不竝斫  
我我歿不辱兵亦殺之

金鑪蕪沉水一氣結雙霞  
歛作經天月生爲向日  
花兔絲雖已斷鸞鏡庶無瑕  
持此酬君子牀空莫怨嗟

風驚邊地草白兔失其雄  
血染呼韓箭魂飛漢帝  
宮不隨青冢月去照黑山  
戎妾自懷貞潔長將蘭桂同

趙門二節婦

有序

朱氏者石城王之孫西寧知縣謀堡之女輯寧侯趙千駟長子生員大奇之妻也大奇歿朱氏寡居庚寅清兵再至千駟仲子錦衣千戶大某以朱氏有殊色獻以婚敵敵將犯之朱氏奮罵

奪刀割髮復割其鼻敵遂殺之其奴楊氏者夫  
趙大勳絲武進士爲連州叅將城陷戰歿楊白  
舅姑至水口哭祭旣殯服命服佩誥敕自沉

漢女元龍種蕭郎是鳳儔身隨天柱折淚逐帝星  
流曠日從來誓高霞不可求應同青鳥去梧野作  
珠丘

自有閨中月清光照越州天狼難至曙塞馬不長  
秋翁主徒污國娥親定報仇容華雖已毀英爽卒  
無休

慷慨穹廬下抽刀割玉顏血含天上日魂繞漢時  
關鳳翼無人託龍髯有女攀月明彈錦瑟縹緲洞



庭還

激烈箜篌引千秋怨渡河秦城崩欲盡齊國旱應  
多比翼沉青鳥同心折玉荷馮夷如見念當爲斬  
龜鼉

無端河伯怒秋水決丘岑不見黃龍負徒勞白馬  
沉提壺公竟渡銜石妾何任終古烟波上彭咸知  
此心

周烈婦

有序

周廣州人庚寅城破兵執其夫黃玉書殺之將  
犯周周拒戶慟哭以刀斷髮三日不食縊以死  
兵怒棄其屍於野

鬢髮斬如雲黃泉下殉君尚餘鸞鳳嘯堪掃虎狼  
羣肉酪誰能飲蘆笳不可聞何當種連理爲爾作  
高墳

李烈婦

有序

李南海人諸生黎駛之妻庚寅廣州破李謂駛  
曰君善事吾姑吾懼賊污歿矣遂投井一婢年  
十五從之

皎皎良家子烏桓不可求月沉精衛海花墮懊儂  
樓阿母嗟無養良人懼不仇肯辭麻臬賤去帶綺  
羅羞

李六烈女

有序

六處女者皆李氏番禺菱塘都弘福鄉人癸巳  
晉王帥師至新會菱塘諸鄉治戰船應之晉王  
敗績敵攻弘福六女登樓皆縊

小姑彈寶瑟大姊織流黃獨立朝霞裏雙流白日  
光何曾窺宋玉不肯作王嬙一代紅顏盡高樓恨  
未央

雙燕歸何處樓臺久不春雲疑飛髻女月是弄珠  
人玉佩捐湘浦羅衣絕塞塵琵琶彈馬上嗟彼去  
和親

許二烈女

有序

二處女者皆許氏番禺潭山鄉人父明宗某縣

知縣癸巳晉王帥師至敵以潭山鄉與晉王交  
通攻之二處女從母某氏及庶母某氏投井歿  
雙雛隨阿母遊戲在芝田正鼓湘靈瑟俄驚老上  
弦銀瓶齊墜井玉鏡不當天百尺寒漿裏連枝產  
白蓮

雉子斑斑好同棲春隴傍一朝矜意氣雙翼碎文  
章蔡琰何能俠明妃實不祥可憐龍塞去眉黛拂  
秋霜

甲莫節婦

有序

新會莫氏婦者美而寡守志不嫁甲午晉王兵  
圍新會婦之家人皆登陴拒守敵窺其室無人

抽刃脅之婦力拒不得以首觸牆血流被體敵  
怒殺之置首糞盎事平其姊夫見將收瘞之首  
重不可舉嘆曰姨禮義人也生與我未嘗相見  
今雖歿英魂不爽如此出告婦之兄兄舉之應  
手而起弔曰

螾首丘山重蛾眉日月光簾帷生不捲中悅歿猶  
防切玉刀方利焚蘭火亦香花門天所命使爾烈  
名揚

漢將投戈遯蕃兵喋血遊一絲孀婦命九鼎美人  
頭但使烏鳶食無爲犬馬求恭姜多苦節與爾共  
千秋

何節婦

有序

何順德桂洲堡人夫周醉溺歿何沿江哭三日  
屍浮水出葬罷不食哭以歿

賤妾難銜石狂夫竟渡河哭聲沉白日孀影逐清  
波蒲葦依盤石鴛鴦別繡窠當知天帝憫以爾屬  
湘娥